

何大復詩集卷二十一

信陽何景明仲默撰

七言律詩六十六首

生子

兩歲歸來生兩雛故園夫婦亦相娛
廬家自愛添丁好徐氏誰言二子殊
未論圖書能繼業且教門戶有懸弧
劬勞正念吾親在更遣悲歡此日俱

溪上

溪上茅齋不掩扉西風初罷芟荷衣
月寒沙柳蕭蕭落天晚江鴻肅肅飛
野客哦詩水邊立家人沽酒夜深歸
相逢醉語休辭數城外黃花漸覺稀

大復集卷二十一

無題

豔語嬌歌出絳紗黃金不惜教琵琶
鴛鴦本是雙棲鳥菡萏元開並蒂花
紫玉豈忘韓重侶綠珠寧負季倫家
多情自古還多恨腸斷春風巷柳斜

次韻答莊國寶見訊

多病無能合罷官清時那敢獨求閒
遠沙月出明如水高樹雲來暗似山
已恨緇塵侵素服不教青鏡老紅顏
美人歲暮勞相問叢桂山中祇自攀

贈潁川張子辰秀才

聞君已是青雲翼萬里飛騰竟若何
縱有當時許由耳莫教更洗潁川波
麒麟自掣黃金鎖驪裏終鳴白玉珂

知爾篋中雙寶劔塵埃他日爲誰磨

答雷長史四首

每誦清詞動我愁山中歲暮若爲酬因攀桂樹遙相憶
欲寄梅花可自由萬里江湖雙涕淚百年天地幾交游
誰憐舊日中朝客謫向玉門半白頭

玉壘青城萬里山亦知歸興滿鄉關沙邊返照寒將斂
江上行雲晚未還道路南來多壅隔雲霄北望少追攀
曳裾受簡皆清事莫向滄浪羨我閒

汝上相逢歲已長故人官況近荒涼天涯白髮催遲暮
客裏清尊送夕陽賈誼功名終負漢馬卿詞賦尙游梁
看君尺素遙相慰況是羊何有和章

大復集卷二十二

二

十載寒羶鄭畫師風流文采更堪思朱門鼓瑟官仍達
青殿揮毫出每遲百里風煙還薄暮孤城雨雪已多時
極知歲晚傷心切起傍宮梅自詠詩

送馬公順視學湖南四首

關中人物從來盛況汝才名天下稀得路驂驪看獨步
出塵鷹隼羨高飛十年京洛猶今日萬里江湖更落暉
同是燕臺舊游客可堪相見又相違

洞庭雲夢眼中寬襄國荆門掌上看三楚樓臺皆壯麗
萬年江漢自波瀾煙花白日空愁暮鴻鴈青春尙避寒
莫道秦川歸未得人間今日路行難

兩年懷抱值君開聞說京華首重回天上故人難再見

世間岐路轉堪哀孤舟落日三江口遠客浮雲萬里臺
南斗尺書相望切暮天鴻鴈幾時來
武昌南望盡雲沙楚岸湘亭更好花桃李百城開士館
星河中夜傷仙槎南宮書畫新連舫吏部文章舊滿家
直北五雲天更遠欲從何處望京華

王君宿邀蔡大尹過予舍至期雨候蔡不至作
詩促之

招邀數費主人迎枉顧何慙令尹情祇爲泥途妨出郭
未應風雨卻寒盟雲間不見仙鳧下花外如聞駿馬鳴
玉馬凌空休更怯銀鞍傷險亦須行

讀李子良嶽詩有感

大復集卷二十二

三

北朝宮闕已陵夷南渡衣冠更亂離誤國始知金櫃冊
蒙塵空歎翠華旗龍爭虎鬪中原破海倒江翻萬古悲
猶是昔時歌舞地風塵今日淚還垂

早春眺望

山郭輕寒細雨開水邊沙逕獨徘徊艱難世事棲田里
潦倒年華斷酒杯晚日殘霞皆自媚白梅青柳遞相催
茅堂春色無人見迸淚看花幾日回

感春

羸病江湖春意生清沙遲日眺
一作照孤城緣隄塹柳葉
相暗隔屋山桃花獨明萬里江天雙起鴈誰家園樹亂
鳴鶯風光物色元非惡觸目經心偏苦情

寄五清先生

地北天南一寄聲
楚山蜀道兩關情
他鄉歲月仍羈旅
故國風塵尙甲兵
張翰本非思玉餽
謝安終不恣蒼生
遙瞻山斗徒勞仰
苦恨江湖不易行

懷西涯先生

六省尙書第一班
兩朝元老領千官
空教外國聞裴度
未見東山起謝安
歸去朝廷公望重
老來湖海路行難
兵戈此日交馳檄
將帥何時議築壇

寄希哲望之二兄

東風悵別十年懽
北斗愁臨五夜看
海內君親情獨苦
天涯兄弟見俱難
孤城落日黃鸝暮
紫塞青春旅鴈寒

大復集卷二十二

四

君夢可曾回故里
予心終日在長安

寄任司訓

江湖不見任公子
風雨常懷老鄭虔
異域親朋皆萬里
故鄉花柳又新年
青春已共浮雲去
白日難同逝水還
爲道故人從別後
一身顛顛淚雙懸

寄馬君卿固安

絃歌今作王畿宰
辭賦元傾上國人
易水塵沙連雨雪
漢家樓觀接星辰
交期祇望雲間履
生計猶慙海上綸
寇盜縱橫朋舊隔
江湖此日淚盈巾

雨中畱蔡黃二親

門巷泥深過客難
百年聊共此盤餐
浮雲落日山河暮

細雨青春樓閣寒
近夜蛟龍還入浦
久陰鴻鴈更移灘
年華滾滾相逢少
莫厭攀留到夜闌

清明日上先祖并兄墓

城西鬱鬱見佳城
駐馬山頭悵獨行
萬古松楸此邱隴
百年花柳又清明
音容地下空成夢
骨肉人間益愴情
更望老親封葬地
恨隨春草一時生

袁惟武邀客泛舟夜下次韻

春水逶迤碧樹邊
滿筵賓客醉開船
情親不厭頻來往
語笑何妨更接連
遠岸星河天共轉
近城鐘鼓夜初傳
人間此會真非易
往苒春風爲爾憐

葉四公子西園

大復集卷二十二

五

邀客西園公子家
東風二月已飛花
巷遮碧柳行春馬
樓倚青山落暮鴉
移席尊罍遙出浦
入舟燈火更依沙
清吟況接同鄉彥
應有文星動水涯

張太守宅同賈長教會集

遲日香風細細回
招邀更喜廣文陪
千年又下南州榻
二月同傳北海杯
午院雲陰移几席
春城雨色映樓臺
三鱣五馬皆高客
獨愧江鷗共往來

春興

東風回首卽殘春
日日清江愁白蘋
北去雲霄無道路
西來天地有煙塵
身經貴賤知交態
事到安危憶古人
卻喜故園桃李樹
花開又見一回新

袁冲霄先生同惟學過訪

風起高城春日斜，相留肯醉野人家。
白雲對酒看山色，青草題詩到水涯。
隔岸鳴鶯深坐樹，傍樓飛燕故穿花。
竹林萬古追游地，二阮風流未足誇。

同高鐵溪先生劉朝信兄宿賢隱寺次韻

雨過青山暮色來，僧堂客至燭花開。
半空樓閣星河動，滿院松梧鶴鶴回。
浮世黃塵兼赤日，古人白骨已蒼苔。
兵戈此際同杯酒，愁聽春城鼓角哀。

袁惟學南園

樹裏行杯坐日斜，池邊立馬聽鳴鴉。
苔陰雨暮寒青竹，水色春深靜白沙。
開徑蓬蒿無俗客，入城花柳似山家。
百年懷抱君應識，不是淹留爲物華。

大復集卷二十二

六

登謝臺

故國蕭條登此臺，暮雲春色轉相催。
蓬蒿滿地悲風起，樓觀當空倒影來。
山鳥不隨歌舞散，野花曾傍綺羅開。
今來古往無窮事，萬載消沈共一哀。

楊花

三月楊花裊裊白，憂人淚點暗中拋。
漫天撲地有何意，惹草粘沙多似毛。
忽趁狂風翻自遠，更遮落日強相高。
紅塵滿眼青樓暮，攪亂春愁爲爾勞。

暮春

城邊楊柳飛白花，河上春風吹暮沙。
飄飄歲月此雙燕

渺渺江湖聊一槎，人情翻覆似波瀾。世態變化如雲霞，駟馬高車有憂患。只須料理東門瓜。

秋夜

黃菊花垂霜，月陰碧林丹。樹各蕭森關，山日暮豺狼近。海水天寒鴈，鶩深萬事誰能看。倚伏此身何必問，升沈干戈未息瘡痍在。永夜遲回折寸心。

賢隱寺別劉朝信

臘近孤城送客難，一尊蕭寺共悲懽。山空木葉鳴風急，水曲松林背日寒。岐路人間妨躍馬，十年天上憶鳴鸞。知君此去長安近，擬向雲霄直北看。

歲暮

大復集卷二十二

七

歲暮孤城日易陰，溪邊茅屋苦寒侵。江湖更覺龍蛇遠，霜雪翻教燕雀深。病起一身惟縱酒，愁來雙淚忽沾襟。山林鍾鼎皆吾志，北望悠悠萬里心。

對雪懷劉朝信

十月孤城雲黯然，萬峯飛雪此溪邊。煙霞細細縈寒日，風急飄飄落暮天。何處玉珂迷紫陌，幾家銀燭照華筵。茅堂此際堪乘興，不放山陰半夜船。

寄胡宗器悼內

玉簫不聽鳳凰鳴，銀漢愁看織女星。永夜機中悲蟋蟀，十年窗下拾流螢。白頭司馬空多恨，清淚安仁更苦形。見說生兒是奇器，他年應慰九泉靈。

穀日

翠壑煙開風滿林岸雲沙雪暝陰陰城邊瓜地謀生計
溪上青山獨往心野客開樽閒共語田夫負耒亦相尋
茅堂春事年年異不廢鶯花此日吟

送任宏器入京二首

四十功名亦壯年丈夫才氣豈徒然渡河春羨蛟龍起
望闕晴看日月懸江畔梅花初送雪天邊楊柳正含煙
悲歌此日臨燕趙未許奇游屬馬遷

與爾相逢已十年孤城此別意蕭然春來鄉里交游少
日暮江湖涕淚懸麒麟未應辭道路豫章曾擬出風煙
因君遙起長安思況是征鴻又北遷

再送宏器

大復集卷二十二

八

春日城邊駐客車夕陽山下惜離居燕關悵望風雲外
楚水分攜雨雪餘萬里登臺先郭隗十年題柱老相如
長安三月鶯花爛得意休忘尺素書

題葉邦重山水畫限韻

我愛君家畫裏峯更看茅屋倚雙松白雲不是人間路
滄海終期物外蹤野徑一春無駐馬石潭深夜有蟠龍
移家欲向溪邊住坐聽青山日暮鐘

題張給事安期圖爲乃翁壽

黃髮仙翁白鹿車安期親見棗如瓜玉盤已獻千年寶
玄圃先開五色花壺裏青天長日月眼中滄海又塵沙

觀圖宛識封君面壽酒頻來給事家

贈楊靜之歸眞陽

人物遙從泮水看眼中鄉里舊衣冠江鴻終擬登達路
海鵠還應愛羽翰九日黃花聊對酒千山紅樹正憑欄
眞陽城外秋仍好悵望西風白露繁

到寺

樓閣山空暮景懸上方鐘鼓晚來傳白雲獨照孤鐙裏
新月遙臨雙樹邊常怪陶潛慵入社亦知蘇晉愛逃禪
高僧老衲眞吾侶蘭若松林可度年

太虛上人爲起書樓

書樓新起賴休公況接丹梯百丈通祇爲雲松巢此地
不須車馬到山中白雲倚檻臨丹壑明月開軒坐碧空
更作百年投老計已將別業傍禪宮

游西山胡本清邀畱

獨馬尋僧春到寺萬山邀客晚登臺野人門巷松邊入
穉子盤餐竹下來江鳥亦隨山鳥喚紅花偏映白花開
頻游苦爲東風意況是情親豈浪猜

新色寺與諸生畱別

落日鄉山客淚邊離懷相對各淒然秋原臺殿臨寒景
長路風塵入暮天去國已違丹壑志望鄉空賦白雲篇
平生師友兼恩義未卜相逢是幾年

趙生書屋

城中無日不塵埃騎馬尋朋此地來籬落過人驚鳥雀
庭階畱客埽莓苔不妨濁酒綢繆醉況有秋花爛熳開
人世相逢元未易高城鐘漏莫頻催

題任宏器思親卷

十載音塵別夢遙月寒山色暮煙高慈烏樹老情空在
杜宇林疏血未消恨入東風傷綠鬢淚隨芳草溼青袍
海天恩義憑誰話目斷雲孤思正勞

贈嚴生

嚴生開卦南門市一日聲名動此邦共喜君平今有後
誰傳郭璞世無雙白雪晝覆焚香室清月宵臨讀易窗
不把升沈更問汝行藏吾已徧滄江

述懷

紫芝黃獨幾回新霜雪山中又見春萬古光陰雙過客
五年江海一歸人豺狼滿地無行路戎馬他鄉有戰塵
溯水河邊釣臺上分明天與此間身

送周大

月白寒城菊有花孤燈落葉映交加冬亭霧露縈沙曲
夜閣星河倚水涯千里賓朋常命駕百年父子更通家
梁山楚水無多路來往風塵易歲華

題劉朝信唐學士瀛洲圖

香裊重簾玉署清翠微樓閣報平明花邊歸馬仙袍溼
柳外唳鴉御苑晴秦國姓名青簡重龍圖風月彩毫輕

千年芳躅君應接共看層空一鶚橫

今日書送惟學南還

以下京集

一年賓館空彈劍九月燕京未授衣世路風塵悲旅鬢
春園花竹夢荆扉扁舟舊泛心常往萬卷今開志豈違
京國重來又三載臨歧眞恨不同歸

送趙司訓喪偶還羅山

燕姬砧杵催楊柳楚客衣裳緝芟荷宦況不爲游遠賦
聞情空續悼亡歌愁聞鄭監青氈苦老覺安仁白髮多
日暮千山歸故國秋深一鴈度黃河

送易太史歸省湖南

楚鄉秋去息風塵碧石清沙江色新入里競迎金馬士

大復集卷二十二

十一

趨庭遙拜白頭人天邊拄杖尋南嶽海畔登樓望北辰
亦是長沙詞賦客莫看搖落重傷神

八日王宗哲宅見菊

燕臺菊樹豔秋堂楚客鄉心益渺茫人世幾回逢一笑
天涯明日過重陽高雲錦石寒相映細雨清沙溼不妨
況是右丞多雅詠可能無興醉花傍

京國重九日雪荅崔太史

當年九日多風雨風雪今年更可哀
飈飈仍兼木葉下輝輝故弄菊花開
關河朔氣催燕塞城闕秋陰起漢臺
今日春秋誰紀異亦知君是廣川才

苦熱

燕京閏夏清涼阻楚客羸軀毒熱偏雨過卽如卑溼地
雲來翻助鬱蒸天南邦僻地寒江閣西嶽高峯玉井泉
思有丹梯凌倒景恨無孤棹截長煙

雨中

苑上行雲細裊裊城邊鳴雨忽垂垂炎天樓閣虛相映
燕地風塵日自悲滄海未通吳貢賦黃河猶閃漢旌旗
腐儒退食眞何補悵望寒江暮有思

間河南寇

檄書近報河南寇楚塞梁關轉戰空豈有兵車能遠救
卽愁道路阻難通江淮城塹西南險嵩洛山川天地中
今日至尊憂不細幾時諸將捷音同

大復集卷二十二

十二

西海子

寺下煙波春不開苑中風浪隱樓臺源泉細繞西山出
雲氣深從北極來萬里乘槎觀日月十年登閣望蓬萊
黃塵碧水須臾事莫使魚龍夜夜哀

汝忠宅待月同望之

空堂濁酒三人醉萬里清光迥未開深夜西鄰還鼓吹
碧天東望有樓臺虛疑星漢城邊照實怕風雲海上來
坐對孤鐙各愁思九關哀角更相催

何大復詩集卷二十二終

何大復詩集卷二十三

信陽何景明仲默撰

七言律詩六十三首

別王秉衡御史

客車梁地相逢日，驄馬秦關獨去時。
荇風塵千里別，飄零江海六年思。
旌旗暮入黃河戍，殿閣晴登華嶽祠。
攬轡未應違壯志，揮毫先已見雄詞。

元夜仲修宅對月

春月同看此度圓，酒杯聊得慰愁顏。
宮前火樹晴相照，苑外金珂晚並還。
南去漢兵連楚蜀，北來胡馬傍關山。
侍臣尙憶先皇宴，慚近清光霄漢間。

省中贈勤甫

春城紫禁轉逶迤，退食相尋出省遲。
晝漏遙從宮閣報，晴雲先傍苑牆移。
行吟才子陽春賦，坐映仙郎白雪姿。
少日從游竝英俊，十年潦倒愧君知。

游郭氏園

郭侯園林清客心，況有樓閣炎天陰。
亭亭高雲石五色，颯颯白日松千尋。
已辦清尊爲樂事，不須出郭開塵襟。
鄭谷秦樓豈異此，市朝巖壑空長吟。

送杜司訓之藍田

少陵詩卷名山水，王氏丹青老歲華。
勝地常令一帳望，儒冠今喜慰生涯。
青氈不愧商巖草，白髮何愁杜曲花。

秦嶺終南得見否宦遊吾已倦塵沙

送張子之浙江

張子別我吟玉壺荷花五月下江湖南探禹穴行逾遠
東望滄溟興不孤司馬少年游萬里左思當日賦三都
平生壯觀今塵土回首高歌愧爾徒

寄杭東卿高曾唯二憲副

舊游俱是吳中俊相憶遙爲越下吟他日雲霄須比翼
此時金石更同心樓船水戰江流急鼓角秋城海日陰
寇賊兩鄉今阻絕北雲南樹各沾襟一作各天風
雨一沾襟

簡施聘之

欲攀御史新驄馬擬脫仙郎舊錦袍五色文章真鳳鳥

大復集卷二十三

二

百年功利一鴻毛當壚不愛燕姬少倚瑟番驚越調高
二十年來空落魄風流今已愧人豪

壽西涯相公

黃閣文章鳴大雅玉機功業贊維新十年天下先憂淚
五畝園中獨樂身南極壽星朝北斗靈芝仙草映長春
裴公郭相看前代社稷蒼生望老臣

小齋初開崔郭田三君子至

本買堂齋爲客居敢攀冠蓋枉吾廬清風坐引高人榻
深夜門停長者車竹下涼蟾輝几杖花間螢火靜琴書
黃門翰苑俱鄰近濁酒盤飧意不疏

送雷長史

彤管先朝隨帝子白頭今日奉王孫漢庭亦羨相如美
楚客重看賈傅尊花下圖書開玉殿日高琴瑟在朱門
十年亭閣淮西宴腸斷梁王雪夜樽

寄黔國公

萬里山川開百粵十年戎馬暗三巴伏波銅柱衝炎塞
橫海樓船出瘴沙鴻鴈不傳天北字瓊瑤空憶日南華
飄飄奉使金門客目斷銀河八月槎

送趙元澤之嵩明州

日莫千花出漢園秋深萬水入湘沅干戈喜見黃塵息
勳業愁看白髮繁西域瑤琨常北貢南天星斗似中原
一官萬里何嗟歎倚劍長歌行路言

七夕

大復集卷二十三

三

楚客旅魂驚巧夕燕京風俗鬪穿針樓臺送暑催秋扇
關塞迎寒起暮砧海內弟兄風雨夢天涯兒女歲時心
乘槎莫問支機石河漢年年此夜陰

雨夕集世其館

秋風淅淅吹人衣鳴雨瀟瀟晚細微萬里賓朋畱不數
十年江海願常違高城木葉聞先下客舍流螢見已稀
爲報春來一作求鴻鴈侶塞門霜雪好南歸

八日勤甫惠菊

燕京明日是九日庭下菊花無一花豈意高人分玉樹
遂令僻地有瑤華當軒獨酌憐秋石倚檻叢開映晚沙

便語南隣田給事不妨就飲過西家

宗哲初至夜集

衛川舟楫九秋旋京洛衣冠更此筵萬里況逢鴻鴈候
一杯仍對菊花天鐙前月落城烏起堂上雲開塔樹懸
聚散古今同逆旅莫看風景倍悽然

九日送師御史之浙中

燕臺九日送行旌欲行不行驄馬鳴祖席正逢黃菊興
親聞先動白雲情霜飄斧鉞江邊駐日出樓船海上行
扁落此身真報主豈徒壯觀說平生

和張子純白髮

我見秋風驚壯心君悲白髮苦相侵愁多不道潘年少
吟苦誰知越思深客裏歲時供覽鏡天邊霜雪助沾襟
平生浪說如雲盛蓬鬢稀疏底似今

大復集卷二十三

四

送張國賓進萬壽表還

名王表達維藩禮賓使恩勤奉教時鳳管暫停秦女曲
龍旂遙覩漢官儀秋楓旅夢回青瑣春草鄉情動玉池
歸到定知承睿問雪園梅殿有佳期

送張元德侍御巡畿內

漢京樓殿鬱雲虹淮海文章御史驄三輔自來多寇盜
五陵今日更豪雄埋輪亦在都亭下攬轡仍行甸服中
滄水太行煙霧裏獨看高隼擊霜空

夜集劉德徵

冬夜深杯醉減愁北堂寒色坐幽幽長安第宅頻相過
海內冠裳此竝游竹靜風鐙懸近牖天清霜月起明樓
燕南楚北誰非客旅鴈賓鴻各自求

慈仁寺送良伯

入寺松陰散鶴羣出城冬旭裊煙氛叢篁僻地猶風葉
獨鴈荒臺倍朔雲不柰旅魂江北斷更看仙侶日邊分
燕山樓閣晴無數朝暮鐘聲送客聞

劉德徵上陵還有贈

仙郎昨自五陵歸駿馬朝回獨掩扉已向西山瞻帝寢
更從北極眺王畿霜鐘澗壑流清漢玉殿松杉眇翠微
先帝侍臣零落盡秦園

一作園

宮草日霏霏

大復集卷二十三

五

登勤甫樓

天畔登樓冬日微帝京臨眺轉依依河冰海雪春聲動
苑柳宮梅歲色歸豈意雲霄今下榻祇緣鄉土更沾衣
風塵此地愁回首嵩洛他年願不違

月夜王宗哲宅贈田勤甫江西提學

高城吹角此宵寒遠客今歌行路難歲暮風煙殊去住
天涯鐙火共悲懽西江日落移舟入南斗星懸倚劍看
廬岳玉山千萬里不知何地望長安

送劉養和侍御謫金壇

丹陽北郭是金壇此去無歌行路難當道豺狼曾避馬
得時鷗隼卻驚鸞風霜華杪畱顏色鐵石人間識肺肝

漢北陝南今涕淚不知遷逐向江干

送王秉衡謫贛榆

嗟君萬里復南遷此別江湖倍黯然日落塵沙行海上
春生霜雪到天邊中流得瓠常相保九折回車且自全
世路風蓬各飄轉不知攜手是何年

送許庭美之浙江

浙上煙塵接楚皋干戈休歎此行勞吳花越草新詞賦
海岫江峯壯節旄誰惜鳳凰先折翼獨教神駿久悲號
尚書風義今如在況覩君才奕世豪

送韓師之邵陽

千金市馬幾登臺老駿誰憐萬里才豈有明珠終暗擲
只看桃李向陽開劔門日落兵西阻河華春生鴈北來
父子通家眞骨肉不堪岐路重悲哀

送殷近夫之青田

石川居士昔餐霞爲吏風塵不怨嗟海上故栽彭澤柳
江邊新種洛陽花飄飄暮送淩空舄渺渺春回上漢槎
安得便同仙令去遠從勾漏覓丹砂

奉寄泉山先生

北戰南征兵未休我師高臥只林邱蒼生尙繫裴公望
白髮寧忘范老憂江上弋人徒慕鴈海邊漁父不驚鷗
冥冥蘿月二山外獨倚京華萬里樓

晚過君采次韻

朔雲臥對寒城菊，燕月雷沾晚市醪。
向客靡蕪南國遠，背人鴻鴈北風高。
杜陵愁極惟雙淚，潘岳情多已二毛。
同病相憐不同去，莫將江海問西曹。

得獻吉江西書

近得潯陽江上書，遙思李白更愁予。
天邊魑魅窺人過，日暮鼃鼃傷客居。
鼓柁襄江應未得，買田陽羨定何如。
他年淮水能相訪，桐柏山中共結廬。

夜訪黃明甫

相憶江湖夢寐前，相逢京洛更悽然。
白頭重感同盟意，春雪猶傳寡和篇。
醉裏菊花開晚暮，坐深金鼓動霜天。
十年岐路無窮事，話對秋堂夜不眠。

大復集卷二十三

七

雨過徐舍人

長安六月半雲雨，孺子軒窗清杳然。
炎暑未能侵此地，虛無只擬對江天。
花邊冉冉輕雷映，竹裏微微夕景懸。
訪舊一尊那惜醉，衝泥匹馬更須憐。

雨後汝立見過承詩贈

渺渺城波淨客堂，朝回高詠接仙郎。
炎天忽送風雷氣，僻地惟聞草木香。
欲借沙隄添水檻，祇疑車馬駐江鄉。
一杯暫許畱今雨，隻字真看比夜光。

十六夜劉子宅對月次韻

芙蓉清月鳳凰城，露白秋堂碧霧輕。
一歲未令今夜減，百年能得幾宵晴。
雲間鸞鶴霓裳曲，海上神仙赤石英。

楚奏燕歌俱感激塞垣江國重合情

夜過君采

天邊歸客滯寒城下馬殘尊萬里情冬館明燈猶豔菊
水鄉春棹杳唳鶯風塵歲暮愁相送險路人間恨獨行
莫把悲歌助哀柝北堂今夕淚沾纓

無題回文

絃中曲怨不同調早見相如病骨銷眠獨夜烏唳渺渺
夢多春草碧迢迢煙生暗閣鸞沈鏡月落空樓鳳罷簫
年往恨花飄水逝傳書有鴈一停橈

送海岳陳翁還常州

海岳先生眉髮青北游歸興渺滄溟雲霄萬里看辰極
河漢孤槎送客星裊裊菊花南國宴萋萋蕙草北山亭
水雲曲奏流金石風雨蛟龍夜夜聽

送良伯

去年秋杪遙相送今歲冬殘復此行寸草獨牽千里思
一枝同有上林情江楓野泊停霜夜海月官船動水程
何處逢人問消息梅花南國望春生

以道席上送世其與其妹文蕭執夫同行

燕山杯酒暫相隨楚岸扁舟遠竝移鄉土青春歸有伴
風塵滄海見無期舊游每憶三江興此去遙傳五岳詩
弟妹憐予各飄轉天涯送汝不勝悲

兩湖書屋

書屋何年結構成青天對落兩湖清岸回沙檻龜鼉圻
水抱晴窗日月生開卷已知當世事下帷應見古人情
扁舟南國無由竝暮采芙蓉悵獨行

送韓大之赴新都

漢庭仙令幾時回蜀道風煙此日開萬里一琴將鶴去
九霄雙鳥望鳧來雲邊石棧斜懸閣樹裏春流曲抱臺
藏器久知盤錯志脫囊今見古人才

送劉朝信之江山

江山縣中山木蒼颯颯風林開豫章嶺石細通閩鳥道
澗流斜帶楚人鄉青天岸幘時行郭白日彈琴不下堂
同學共知年少志豈將書劍負行藏

簡汝立

大復集卷二十三

九

汝病幾時辭省署我懷終日念鄉關風塵對酒空行路
雨雪逢春尙在山少室三花無客采小山叢桂有人攀
淮南洛北如相訪一鶴雲中往復還

蘇考功宅宴集

九衢春月罷歌鐘萬井晴煙翠欲重吏部文章今再見
漢京冠蓋日相逢流鶯漸歷宮中柳鳴鶴先傳寺裏松
細酌清吟聊此席北山南郭是吾蹤

荅盧侍御樊氏洞中觀梅見懷之作次韻

主家花憶繡衣人仙洞詩看玉樹親未假霜威同索笑
卻因麗藻獨傷春秦簫暗度樓中月洛譏微生水上塵

白雪西臺真有調碧江東閣恨無津

送賈學士之南都

金陵樓閣九天開銀漢仙槎萬里來宮月夜懸鵝鵲觀
江流春轉鳳凰臺直從北極看南極卻望中台接上台
鳴世早傳吳下作逢時真一作更羨洛陽才

和李宗易內翰立春日作

春日長安車馬迎密煙輕旭弄朝晴詩來草動池塘色
吟罷花增館閣情萬里江湖桃竹杖十年風雨鐵鐙檠
一官樗散空時序又見春盤細菜生

送施聘之侍御

海甸春風攬轡情燕關驄馬去還鳴繡衣霄漢花間出

大復集卷二十三

十

錦纜江湖樹裏行近日西臺多諫草少年南國有詩名
別絃更憶風流調愁聽東城二月鶯

送劉令還襄陵

聞道襄陵有勝游西行風景似南州竹蟠縣裏青青出
水到城中曲曲流仙客候鳧知下烏吏人迎鷁見回舟
亦知枳棘棲鸞地露冕重來只暫留

送都南濠歸吳

愁論白首爲郎日喜見青山送老年去望雲霄皆動色
到知鄉里更稱賢丹梯五岳盧敖杖春水三江范蠡船
他日著書應不少可無人識子雲玄

輓陳翁

復清堂上罷鳴琴彭澤門前柳自陰萬里聲名傳翰墨
百年圖畫想山林江邊鴻鴈冥冥逝海曲蛟龍夜夜吟
五色近看雙鳳羽赤霄應慰九原心

三忠祠

三忠祠在帝城東檜柏陰陰沙院風朝暮冠裳頰下馬
春秋香火一開宮中原涕淚江山遠異代精靈廟宇同
漢業崩摧如宋業古今南北恨無窮

送杭憲副兵備天津

天津橋北望京樓金鼓東行節使舟日月書懸滄海樹
龍蛇春壓九河流百年貢篚通南極萬里旌旄屬上游
莫笑談兵尊俎上書生元不爲封侯

大復集卷二十三

十一

謁李文達公祠堂

故相勳名未渺茫先朝賜第轉輝光青松雷雨餘枝幹
古屋塵埃自棟梁魚水已無千載遇斗山安有一時忘
雲孫更是通家誼常拜冠裳到此堂

衍慶堂爲無錫錢世喬作

華堂結構琴書敞吳越衣冠族姓繁遠向西山占氣勢
深從江水問泉源新巢燕雀生成去古木蛟龍屈曲蟠
他日長卿乘駟馬始知于氏有高門

寄世恩愛日樓

東曹昔賦望雲行南國今傳愛日名九折豈忘回馭志
百年眞慰倚門情江鄉春水鱖魚至海岸冬雷竹筍生

珍重樓中調膳者此身何止萬金輕

送闕郡博

郡學宮牆入翠微廣文今去有光輝
久知白首甘貧病且坐青氈息是非
石磬古堂時自發風雲春服暮同歸
城中來往多冠蓋名教無言樂地稀

送吳司訓之內邱

內邱城閣夏陰陰窈窕儒宮雙檜林
六月沙郊騎馬到四時潭水聽龍吟
青氈況屬斯文地朱瑟還聞大雅音
亦是洛陽年少士白頭今日始冠簪

鮒魚

五月鮒魚已至燕荔枝盧橘未應先
賜鮮徧及中璫第

大復集卷二十三

十一

薦熟誰開寢廟筵白日風塵馳驛騎
炎天冰雪護江船銀鱗細骨堪憐汝
玉筯金盤敢望傳

何大復詩集卷二十四

信陽何景明仲默撰

七言律詩五十七首

雨過何太僕

檐日陰陰喧晚雷坐深庭樹不思回
振風鶴鶴城邊去
截雨虹蜺海上來詩興西堂還舊草
酒杯東閣又官梅
陰符遁甲談兵罷愁向煙塵兩鬢催

爲隴州李舉人壽其伯尙書公

見說尙書解綬還七年高臥隴西山
曾懸履舄星辰上
更閃旌旗楚蜀間老伴青松全晚節
靜餐丹藥駐春顏
竹林仲子追隨地二阮風流尙可攀

大復集卷二十四

一

答劉子緯雨後之作次韻

萬里秋風張翰魚扁舟常憶楚江漁
窮愁阮籍猶耽酒
老病虞卿只著書風晝海蒸雲自起水
天沙霽日微舒
劉郎數月稀相見喜送新詩慰索居

天壇雷道士院

帝宮高鎖漢郊畿羽士琴書靜可依
蘿洞書樓雲霧入
石壇秋禮珮環歸叢叢晚竹臨風整
嘒嘒玄蟬曳日微
渡海卻思千載事買山今恨十年違

送王御史德輝西巡

中朝御史重西巡獨下青霄斧鉞新
隴雪洮雲行塞日
胡琴羌管奏邊春蒲桃不博涼州地
天馬還隨漢使臣

白筆萬人看氣象肯令河外有煙塵

送衛進士推武昌

少年佐郡楚城居十郡風流盡不如此去且隨彭蠡鴈
何須不食武昌魚仙人樓閣春雲裏賈客帆檣晚照餘
大別山前江漢水畫簾終日對清虛

送顧隱君還常州君來視其姪中書子進士

北庭綵袖日邊聞南甸青山海上分阮氏竹林推叔父
謝家玉樹有郎君河關曉發隨燕鴈江路秋帆拂楚雲
歸向惠泉攜舊客菊筵開酒送清芬

十六夜尹舍人宅次劉汝忠韻

今年月色倍常年今夕還如昨夕圓江上鼉鼉皆有窟

大復集卷二十四

二

塞南鴻鴈不同天坐遲宿霧開風館酒罷餘輝散燭筵
忽聽玉簫傳鳳曲瓊樓高處綵雲偏

九日獨酌簡何太僕

無客秋堂菊自芳寒城獨酌對重陽愁來轉覺登臺懶
病裏誰傳落帽狂海內弟兄非異姓楚南賓客本同鄉
十年躍馬從君地風雨看花意不忘

冬至

小至燕關眺望深吐雲山谷氣陰陰異鄉醞酒誰相醉
獨客篇詩祇自吟入面風霜增老色向人梅柳動春心
江湖更發南尋興極目茅堂楚岸林

送杭太參之河南

十年京國重才雄，汝鄧山川喜借公。
杜甫交游傾海內，謝家兄弟擅江東。
寒帷正屬瘡痍日，開府元當控扼中。
冬暮遙看南去節，楚天春望北來鴻。

同馮光祿登慈仁寺閣

今度慈仁寺閣游，翠煙冬日抱重樓。
冥冥繡棋盤空界，裊裊丹梯接帝州。
立傷星辰天北極，坐看雲霧海東流。
也知光祿高情興，自合題詩在上頭。

哭以道

淚墮平生邂逅吟，相看垂死更傷心。
天涯見面愁雖減，海上傳書病已深。
萬里艱難歸葬日，百年哀怨絕絃音。
他時若挂畱徐劍，忍向橋山覓墓林。

大復集卷二十四

三

送以正歸其兄櫬還關中二首

賢兄客死在燕山，令弟將歸陝路難。
哭向北雲扶旅櫬，望窮西日見鄉關。
原鴿雪羽飛偏急，屋樹春花發自斑。
岐路斷腸生死別，暮天回首淚潺湲。

君家昆季總能文，哭友那堪更送君。
嗚咽黃河流渭水，迢遙白雪度秦雲。
卽看斷鴈離羣去，況屬連枝落葉分。
少弟長安終日望，西來消息早相聞。

二月見梅

二月寒梅開滿枝，素心寧與豔陽期。
攀桃映李千花妬，弄日含風一樹垂。
不向天涯傷歲暮，豈緣江北見春遲。
巡檐一笑聊相慰，鬪色爭妍非爾時。

送蔣子雲冬官病還揚州

臥病長安不出門，話歸南國暫畱春。
來日日風塵色，海畔冥冥天地昏。
坐傍桃花停岸舸，行隨楊柳到江村。
楚山亦有蘼蕪草，游子空傷萬里魂。

九日同張膳部劉符臺游法藏寺

東林地僻無人到，九日天清有伴尋。
在野興深增感慨，望鄉心遠慰登臨。
叢篁雨颯春牆碧，老檜霜畱古殿陰。
共酌昏鐘驅馬出，獨聆風鶴送餘音。

詩上郭价夫內翰兄聊寫隕珠之痛兼致夢蘭之望云

四十生兒身未老，萬行哭子淚難收。
乍看入掌明珠動，

大復集卷二十四

四

不見凌雲玉樹畱，門下公侯應有種。
堂中賓客尙回頭，蕙蘭若報三春夢。
消息先寬二老憂。

對雪

九衢飄雪亂人行，獨坐開堂煙霰生。
曲檻回廊輕駐景，裊雲停日重含情。
風前花絮疑三月，天外樓臺望五城。
出塞燕歌翻自苦，入筵春曲向誰成。

閣直立春日雪

天門望雪瞻華蓋，御苑迎春試碧桃。
窗色向明通散帙，鑪煙當晝引揮毫。
雲連睥睨銀城迴，風繞采窻玉殿高。
綵仗數移西闕宴，金花虛映北宮袍。

送崑山王令還

九霄懸鳥朝天至萬里揚帆上斗回海甸風流無陸謝
漢京詞賦有鄒枚青鳧野送高旌駐綵鷁江行疊鼓催
悵別忍看燕草色寄詩須折早春梅

懷寄邊子

汝從元歲侍今皇誰念先朝老奉常一出雲霄空悵望
十年岐路各蒼茫春天縹緲金莖露晝日氤氳紫殿香
獨有揚雄尙陪從白頭抽筆賦長楊

題嚴內翰賜扇

端陽綵扇百官傳每歲宮臣賜獨偏君去翰林供奉久
始來經幄拜恩年頒從殿閣風先動捧向雲霄月竝懸
象轂銀環倍光寵好揚薰吹助虞絃

大復集卷二十四

五

寄題鄭園

三山今有鄭公園避俗從來亦避喧蘿竹青青垂谷口
花林靄靄覆桃源天邊鴻鴈春寥廓海畔蛟龍畫曲蟠
南斗尺書招隱意白雲叢桂幾攀翻

立春日

楚客年華悲塞國燕京春色念江潭香迎苑雪梅先放
翠入宮煙柳乍含行在旌旗猶駐北朝正冠冕自通南
青山起策青藜杖白髮羞看白玉簪

送陸舍人使吳下

柳拂清江畫鷁飛節旄更喜便南歸回風樹裏吹一作
官騎返照河邊上客衣北固樓臺秋寺徧長洲花草故

宮非登臨莫怪多詞賦吳下才人是陸機

送徐舍人使南都

御書親奉出金扉草綠南徐四牡駢江上登臨鄉思遠
客中離別宦情微潮生鐵甕迷前代雲起金陵識舊畿
悵望一春詩社冷有誰吟對省中薇

送秦豫齋南歸領教安仁

兩年京國喜同游忍送孤帆下潞洲世事悠悠鴈南去
客懷渺渺水東流雲間樹色通吳會月下潮聲過石頭
聞到錦江三畝宅開門遙對萬峯秋

送李長蘆先生

十年相見倍相親風表依然道義存幾憶趨庭陪鯉對
無緣縮地拜龍門停杯慷慨論前事撫劍跼蹐感舊恩
一別重逢更何處鳴鶯東下海雲昏

送徐主事還金陵

送客出門三月暮片帆遙見石頭城南方山水登仙興
北望星辰戀主情花暗河津天雨細月殘江館夜潮平
鳳凰臺上重回首六代繁華野草生

送夏少參之蜀

岷峨東下江水流劍閣西來煙霧收黃牛峽隘幾人到
金馬臺荒何處求父老三巴應渴望丈夫萬里是奇游
錦官城外經行處古柏祠前拜武侯

至日過徐德章

竹門寒旭鳳城隈春氣潛浮地底灰世路十年長不定
客懷此日更難開天邊梅柳垂垂發歲暮陰陽冉冉催
見說吳江酒船到卽拚畱飲夜深回

陸子樓夜集

客來繫馬樓前樹暮倚危闌對雪峯人世百年還易過
天涯此會亦難逢浮煙近接千家市落日遙聞萬井鐘
殘歲良宵俱可惜紅塵分手莫匆匆

望雪

中原日見黃塵生上國空懸白雪情當畫風雲垂忽散
久晴江海凍難成農人隔歲猶須慮寇賊今冬尙未平
安得時和人更樂普天無盜勸春耕

大復集卷二十四

七

送周令之蒙城

少年學道天下無白首談兵氣尙麤卽位星辰瞻百里
縣城山水接中都畱侯黃石橋邊履葛令丹砂海上鑪
暫向風塵淹老驥擬看雲影候仙鳧

函谷草堂贈許廷翰

萬里河山一草萊百年松檜此堂開晴瞻華岳青天上
晝望仙人紫氣來避世且耕歸馬地乘時須起臥龍才
長安送別風塵暮落日嵩雲首重回

寄康子

十年朋輩飄零盡海內兵戈戰鬪餘花劇秦川誰見汝
鴈稀燕北渺愁予碧山擬著潛夫論丹壁應藏太史書

自笑此身今更出風塵空望白雲居

壽羅山胡侍御

直道清風天下重壽年況復古來稀江邊舟楫非忘世
海內干戈早拂衣白石靈芝春自長秋山黃鶴健高飛
更喜繡衣經故里遙看綵服拜重闈

和王司封

仙省新詩幾度傳一吟鄉思一凄然許身自比南金重
浪迹寧爲曲木全燕地湖山春酒畔楚天風雨夜鐙前
看雲聽鳥同今日躍馬登龍憶往年

送李公從地官

鄉路春行徬九河帝京晴望五雲多城邊金鼓花時發
海畔樓船日夕過樹映仙郎添寵色草迎游子助悲歌
同朝更待青霄節並馬能忘白玉珂

用韻答以行

無客琴書晝掩堂有詩先夢謝家郎雨來碧草遙添色
風過紅蕖不斷香多病更逢愁是敵此身那得醉爲鄉
巷南巷北稀相見偈側歌殘送夕光

石磯

石磯無伴滿蒼苔秋杜春蘭晚自開江日煙波雙鳥去
楚天風雨一舟來釣鼈獨有滄溟興夢鶴誰知赤壁才
芳草歸人不愁思水雲山郭見章臺

元夕以道宅同蘇管二君子

煙滿春城夜色凝，露融金掌月初升。愁邊鼓吹頻催宴，望裏樓臺盡放鐙。四海朋簪今有蓋，十年岐路已無憑。相知更遇秦中俊，欲贈瓊瑤恨未能。

輓范君山和其絕筆詩

老去詩篇興未休，吏情終日問滄洲。寒江夢落煙波斷，南岳魂來霧嶂收。一別人間眞異世，十年天上可同游。魚龍寂寞瀟湘冷，誰采蘋花薦晚秋。

雲卿見訪次韻

悠悠世路誰知己，莽莽乾坤獨愛才。近接南州畱下榻，久開西閣待傳杯。雪霜暮向天邊盡，鴻鴈春從海上來。細柳明沙相送地，不妨騎馬夜深回。

大復集卷二十四

九

封君許太史公壽章

仙人親捧紫瑤編，鳳鳥雙盤赤錦箋。天上封章傳翰苑，山中壽酒屬春筵。星辰影動台垣裏，林壑光生海岳前。回問郎君碧霄路，石麟金馬玉堂懸。

過寺訪以行

今年春色倍堪思，柰爾看春病起遲。窗曠太行雲斷處，坐聞江漢鴈來時。柳香漸撲燕姬酒，草色頻催謝客詩。更欲息栖尋野寺，細蘿芳杜碧山期。

送戴進士時亮

戴生長嘯出燕州，知爾尋仙不可畱。相望有時攀玉樹，此行何地訪丹邱。乘風逝鼓洪濤柁，觀日回登滄海樓。

白晝果然生羽翼青雲奚羨帝鄉遊

登樓觀閣時王令明叔邀張用昭段德光王敬

夫康德涵四子同游二首

以下秦集

百丈丹梯俯翠岑千年壇殿肅陰陰風吹陸海黃塵暗
雲去函關紫氣沈春花况屬絃歌邑勝地還成翰墨林
香山洛社俱寥落文采流傳直到今

峻閣含風落照孤憑高千里視平蕪鳳笙錦曲春縹緲
璫草金光晝有無採藥幾時尋碧海種桃無復問玄都
五陵冠劍豪游地猶是長安舊酒徒

輞川

飛泉萬壑通藍水仄徑千峯入輞川野老豈知旌節到

大復集卷二十四

十

世人空作畫圖傳鼉鼉岸圻深無地雞犬林開忽有天

卽此買山堪避俗桃源何必訪神仙

深一作疑

華州作柬桑汝公

秋城雨色靜微塵過陝山河望轉新天上岳蓮開二華
雲中關樹引三秦追游少小還今日浪迹乾坤任此身
乘興欲攀仙掌去未知登覽共何人

東林書院

東林精舍接東城出谷先歌伐木聲氣象久瞻程伯子
樞趨今見魯諸生芝蘭入室香俱化桃李開門樹總成
河渭滔滔同向海濟川舟楫幾時行

劉士奇張時濟過觀雪竹

裊裊朱絃畱上客
泠泠修竹對高軒
重檐舞雪銀花綴
曲檻回風翠葉翻
湘浦珮環臨渭浦
秦園詞賦擬梁園
從今開徑延三益
聊共傾壺散鬱煩

送胡承之北上

秦關迢遞南山曲
漠閣嶙峋北極長
揚策恥誇終孺子
上書不學老馮唐
斗邊銀漢仙槎影
天上春雲畫省香
此去中朝才子列
定知詞賦有輝光

送盛斯徵巡撫四川

向來才籍九重知
此去勳名萬里馳
玉壘霜威侵斧鉞
錦城花色駐旌旗
征南諸葛籌先定
化蜀文翁事更宜
巴水秦山元自接
好音莫遣北來遲

大復集卷二十四

七

七言排律二首

平夷所老人

使集

平夷老人髮兩肩
哀哀淚落古城煙
歲收斗粟輸田賦
日向諸鄰乞米錢
風雨飢寒趨路側
子孫流落避兵年
青春有伴難還土
白首無家尚戍邊
官裏征徭何日已
軍中苦樂古來偏
魂驚戰鼓心猶怯
臂中飛弧肉盡穿
獨去負戈巡夜砦
誰來銷甲種春田
朝廷德意思柔遠
閩幄謨猷在識先
夷狄本爲王者外
卒徒能受帥師憐
敢愁溝壑填衰謝
只擬封疆息穢羶
我願麾前法唐將
籌邊有策到今傳

寄李郎中

家集

星辰畫省鳳凰池同接金門白玉墀庭樹書閒褰碧幕
苑花春好竝金羈西京車馬誰言樂東漢衣冠忽已悲
萬里艱難歸故土兩鄉迢遞限雲遼青冥垂翅人皆惜
白日批鱗世所知天上神仙元有謫古來賢聖本多危
陸機入洛名逾盛司馬游梁賦益奇海內競傳高士傳
朝廷誰訴黨人碑齊堂雷震冤臣出魏闕天高獄吏欺
千古死灰安國淚萬年災異廣川辭虞羅亦放冥飛鳥
卜獵何煩後載罷得失竟須知塞馬榮華終不易塗龜
嗟予蹇拙慙君匹念汝風流實我師索處自應思故舊
生涯今已笑支離邀游昔忝登龍會驚下深懷附驥思
貢禹王陽同出處鍾期伯子是交期河陽雲樹情俱苦

大復集卷二十四

十一

渭曲煙花願豈遲回首西山多寇盜扁舟南國有旌旗
腐儒潦倒愁溝壑游子飄零枉歲時路阻時危難會面
不禁涕淚望君垂

何大復詩集卷二十五

信陽何景明仲默撰

五言絕句七十首

兵書峽使集

空巖卷書綠苔字應滅志決功不成千秋有餘烈

絡緯吟以下家集

絡緯催寒女悲吟入總帷秋風嘯不斷相伴下鳴機

雨後十首

水漲孤村白天垂四野青開門秋雨霽閒步郭西亭
竟夕雨連舍今朝雲出溪輕雷千嶂外斜日數家西
三日不出門草長門前路登樓一水明倚柱千山暮

大復集卷二十五

一

人歸郭門樹鳥噪野田風雨散高城上日落深澗中
畫角城隈起風吹響入雲清秋易生感深夜更多聞
遙看三角山正在雲生處日暮山中人空攀荔枝樹
片片白鷗鳥看人隊隊飛沙頭莫相認與爾久忘機
檻倚崩沙出籬通亂水過家人休埽石自愛碧苔多
朝聞城西鐘暮望城西寺寺傍二古松長藤垂到地
塘邊楊柳樹春條秋未摧已送黃鸝去還看白鷺來

八哥

竹前八哥鳥學語太輕狂何須似鸚鵡自遣羽毛傷

獨坐

獨坐鳴蟲起秋懷已不勝西風窗下度木葉灑寒鐙

獨立

獨立對秋陰冥冥望河渚只見沙上煙不見煙中雨

風雨

西郊秋日暮雨細更風斜應爲重陽近來催菊著花

簡趙雪舟乞菊二首

聞道君家菊黃花爛熳開若能移贈我端勝白衣來
我有白玉酒君有黃金花相看九日到分送野人家

九月桃梨花

九月桃梨花開滿故枝寄言車馬客不是豔陽時

寄劉東之憲副一首

百里山河外孤城雨雪中遷鶯猶未起應是待春風

大復集卷二十五

二

長安經歲別日日望春歸不及隨陽鳥雙雙又北飛

寄孫世其四首

驟裏如龍馬長鳴碧草萋萋將千里志慙悔蹶霜蹏
對書當爲讀對食當爲飽平生無恨事努力在遠道
戴生北上日吾吟寶劍篇相過若相見高詠亦堪傳
旅食京華暮那能不憶家封書何日至塞鴈一行斜

白雪曲十首

美人朝玩雪置酒臨高臺祇疑仲春月風送落花來
舞雪流中堂揮袖拂不去細看檐外花半著庭中樹
暗逐梁塵起潛隨燭影流似憐歌舞處故故入高樓
弱雪不到地宛轉高雲裏時有飛花落風回更吹起

梅花開雪中相看鬪奇絕
常教雪似花莫遣花成雪
裊裊宵城煙皚皚積暮天
六花呈此日二白兆新年
豔曲銜前囀輕杯掌上揮
開簾炫積素當戶挹流輝
駿馬黃金鑣胡鷹赤錦絛
風搏千里翻雪點五花毛
公子狐白裘馳馬城東陌
不見馬行影但見雪花白
簾幃照明雪美人起常早
行看玉階上一夜長瑤草

出寺

春游翠微裏晚下白蓮臺
立馬遙回首青山暮雨來

璽上人送茶

鬱鬱雲中秀山僧採相饋
我有毒熱腸此是清涼味

雨雪歌

千巖雲電烈萬室風霆翻
中宵雨撼壁平明雪滿山

小景四首

樓閣倚江濱桃花照暮春
安知看花者不是武陵人
草閣散晴煙柴門竹樹邊
門前有江水常過打魚船
照日楓林赤含風菊蕊黃
家家白酒熟何處過重陽
遠岸凍雲落高林寒日斜
前村昨夜雪聞說有梅花

寄李獻吉二首

君作梁園客予登楚水臺
春風河上柳不寄一枝來
渭水天邊樹黃河日暮流
春來千里外知爾故鄉愁

題畫

翠壁層層合高松颯颯寒
白雲晝不掃常滿石闌干

空屋見桃花

山桃空屋裏轉徙未還家獨有春風到猶開滿院花

聞蟬

二月寒蟬至哀鳴亂葉中林花滿眼發蕭颯似秋風

登樓

獨坐高樓上看花淚暗流東風無限好日暮使人愁

邀劉文直不至

劉郎招不至嗜酒世間稀爾是劉伶後何妨荷鋪歸

席上分得時字送豫齋二首

以下京集

澤國登樓處江船見月時回書寄來使多是客中詩

花影晚離離迢迢動遠思清宵不成寐山雨到窗時

大復集卷二十五

四

雙梧草堂二首

君愛堂前樹嵯峨碧幹雙相思秋月下桐子落雲窗

記得別草堂采采桐始華銀牀飄一葉秋到美人家

扇面小景

山色碧於苔晴窗日日開遙知抱琴者應爲看山來

題畫二首

緲緲春山雲離離春江樹君看江上山不是人間世

古洞入青冥山通武陵渡漁郎莫放舟恐失花間路

飲鮑以忠

萬戶夾垂楊君家大道旁相逢一樽酒何惜醉他鄉

謝秦公饋杏

饋我高林杏開函爛如火安得祇樹園從公問眞果
送泰公茶

英英白雲華采采六山秀爲問病維摩此味清涼否
晚出左掖簡薛君采二首

玉河回宛轉丹闕對嶙峋出入雲霄上蹉跎江海身
露重芙蓉館雲輕翡翠城文園病司馬消渴望金莖

清明二首
城南好花樹不作看花行恰好人來日春風不放晴

何限新桃李春來樹樹花不爭風雨惡無奈委泥沙
秋日簡川甫

紅葉翻霜晝青苔積暮天若無桓子過誰問子雲玄
大復集卷二十五 五

荅施生二首
二泉門下士海內早知名通家一書札萬里各含情

日射江門動龍蟠海霧生排空有羽翼不上九天行
至日荅良伯

天邊登北樓歲暮望南國江梅與塞柳莫問春消息
十六夜賞月野塘宅

今夕非昨夕清光依舊多後庭開月燕窈窕轉春歌
鳳縣 秦集

畢郢藏龍地南岐集鳳岡嘉陵江水色萬古向西康
長安

白雲望不盡高樓空倚闌中宵鴻鴈過來處是長安

六言詩八首

上元葉邦重別墅歸

家集

昏鐘野寺到郭晚飯人家出村斜日山顛水曲東風萬
戶千門星河渡口深夜燈火城中上元猶似去年今夕
不堪煙景銷魂

盤屋清明日

秦集

客裏遙逢令節城中不見繁華南山漠漠煙遠清渭迢
迢日斜獨去桃花自發高樓燕子誰家可惜年年春色
催人白髮天涯

贈賈司教先生

以下家集

春風桃李絳帳朝日首藹空盤王公不志溫飽鄭老豈
爲飢寒

大復集卷二十五

六

一賤一貴世態有憂有樂人情應鱣關西夫子知魚濠
上先生

江南思四首寄曹毅之

以下京集

鏜下雨鳴秋舫浦口潮回暮鐘何處相思不見江南開
徧芙蓉

月冷荒祠苦竹秋清玉殿蒼苔一望雲帆無際沙明白
鳥飛來

細雨寒城催棹夕陽孤嶼鳴鐘到寺莫題蕉葉渡江爲
採芙蓉

竹淨娟嬋帶月山寒杳杳沈暉天邊晚樹獨眺江上春
潮客歸

七言絕句四十八首

玉庵爲黔國賦

以下使集

虛閣清風竟日留
白雲暗對小窗幽
我題名字琅玕上
珍重霜標柰得秋

游黔國魚池四首

小岸城邊上輕舸
一溪宛轉向魚池
水藤濛濛荷葉暗
棹入中流總不知

池邊二十五亭臺
箇箇朱窗向水開
亭下扁舟蕩雙槳
打魚送酒幾回來

半竿斜日疏蒲明
兩岸人語鼻不驚
菱葉拂衣香袖舉
秋風吹浪綵舟輕

大復集卷二十五

七

三陣五陣打荷雨
一點兩點照水螢
笙歌畱客不知夜
燈火回舟直到城

夷陵

夷陵城邊江水渾
無數輕帆落遠津
萬水雲中三峽路
猿聲愁殺渡江人

溪上水新至漫興四首

以下家集

溪上水生三尺深
茅堂清夏氣蕭森
無錢卽買扁舟至
繫向門前柳樹陰

雙飛鷓鴣戀青莎
對舞蜻蜓愛碧波
一夕水風開菡萏
畫船齊唱採蓮歌

菡萏風前花不稀
菖蒲雨後葉初肥
黃鸝白鷺知人意

來往鷓鴣洲上飛

碧沙青泥俱可憐
白鱧赤鯉不論錢
莫歎鄰翁生計拙
買船沽酒過年年

秋日雜興十五首

寒螿嘯斷槿園空
萬樹凋傷八月中
只有南山蒼桂在
一株花發向秋風

雨花風葉總堪憐
海燕江鴻各渺然
莫向高樓空悵望
暮蟬多在夕陽邊

野亭千橘未全黃
青柿紅梨俱待霜
南鄰老翁種橡栗
已見兒童收滿牀

紫蔓青藤各一叢
野人籬落管西風
郊扉遠絕誰能到
大復集卷二十五 八

秋日蟲鳴豆葉中

道上高墳古鬱林
夕園空鎖碧藤陰
人言嘯鳥多情思
卻爲誰家作好音

急杵繁砧一郡秋
西風落月萬家樓
不知塞下征人怨
但見閨中少婦愁

八月飄零九月來
天時人事太相催
千紅萬紫都看過
只有黃花與白梅

荻岸秋清似畫圖
風高沙鴈起相呼
何如莫去瀟湘上
借爾煙波畫引雛

釣臺臺下瀨水清
釣臺臺上秋草生
當年誰是持綸者
賢隱山高萬古情

溪上茅齋楓樹林渚雲沙日共陰陰連朝不遣家僮掃
紅葉蒼苔一尺深

柏林楓岸迴宜看楊柳芙蓉不禁寒最愛高樓好明月
莫教長笛倚闌干

斜日村原秋水多家家門巷好經過繁絃急管休相聒
田父山妻自解歌

蒼鳧攜子戲波瀾懶惰輕鷗不下灘白鷺照影秋塘裏
似爾心情亦太安

鱖鱖鯉魚三尺身纖鱗照水白如銀未須更論成龍勢
只在溪中亦有神

竹靜沙寒野日低門前秋草不成蹊山禽汝亦何多事

不向棠梨樹上曬

雞鳴曲三首

雞鳴城中滿樹霜青樓旭日照流黃鳴箏錦瑟秋塵裏
玉雁金蟬共一行

青樓遙臨大道衢美人雞鳴著繡襦誰家公子過樓下
那不繫爾千金駒

樓上羅幃映早霞不須重鬪鏡中華春蘭秋菊皆零落
爭似菖蒲不作花

喜戴仲鵬得鄉薦二首

梁園宋苑卻宜秋夾道槐花照綺樓試問東瀛海邊住
何如金明池上游

馬上秋風得意歸丈夫豈是愛輕肥傷人休訝新年少
曾向長安作布衣

慰任宏器諸友失第二首

莫將遲暮怨飛蓬萬事還須問塞翁黃鵠但教毛羽在
不妨失意下秋風
青雲白髮太難平去鴈來鴻亦世情我亦少時曾得意
十年回首是浮名

黑龍潭

白雨遙從白日來黑雲低映黑龍臺空思玉鯉臨淵歎
未掣金鰲跨海回

過先墓

大復集卷二十五 十
愁摧斷柳柳還稀淚灑殘花花更飛一寸未忘游子線
萬年難覓老萊衣

野屋

野屋雙飛燕子低短檐千尺柳條齊桃花片片紅臨水
小麥纖纖青映泥

對菊四首

三閭大夫不願醉五柳先生不願醒一醒一醉緣何事
坐對寒花煙滿庭
菊過重陽開更繁城中車馬未曾看種來本是山家物
白露青霜共暮寒

檻畔輝輝纖月斜幽香獨立殿年華多情似與詩人約

一夜還開四五花

露委煙斜更有情
黃花紫萼太分明
只教秋色常爲主
莫遣西風怨落英

葡萄二首

晴蘭裊裊風鬢動
暑架垂垂露乳寒
卻憶高樓清夏日
美人常對水晶盤

漢家葡萄出西域
斗酒曾博梁州戍
當日誰知使者勞
至今人種葡萄樹

簡賈司教二首

郭西茅屋帶峯巒
竹徑花闌亦可看
騎馬自來還自去
無人知是廣文官

大復集卷二十五

十一

古壇雙樹挺秋煙
廢院殘花照暮天
門外埽除無俗客
我來時復伴青氈

吾郡古要害地也
閒居興懷追詠古
迹作詩八首

首

西來一道是淮南
南向千峯盡楚山
風雲尙擁蛟龍窟
天地曾開虎豹關

寂寂孤城申伯臺
廢園遺沼盡堪哀
繁華惟見東流去
歌舞空傳此地來

南山西嶺自天來
翠壁丹崖映日開
不見當時臥龍者
只今惟有釣魚臺

仙人昔返上清家
畱下仙壇號紫霞
世人不識蓬萊樹

道士空餐松柏花

郡西山畔舊禪宮
朝暮風煙多不同
已見樓臺翠微裏
更聞鐘鼓白雲中

震雷山頭石潭水
夜夜蛟龍行雨歸
青春下與滄溟會
白日常聞霹靂飛

楚關申戍鬱茫茫
野草春沙更斷腸
山頭僧住何年若
山下人耕古戰場

故謝城邊溪流郢中風物
更堪愁行人欲問陽春曲
此地猶傳白雪樓

何大復詩集卷二十六

信陽何景明仲默撰

七言絕句九十七首

別相餞諸友

雙井山邊送客時，滿林風雪倍相思。西行萬里遙回首，

太華終南落日遲。

友人夜宿

相逢猶憶十年前，青草書堂溪水邊。四海交游今殆半，

幾人風雨對牀眠。

題馮大京畫蘭

雨葉風花獨奈寒，圍春不借曲闌干。國香空谷無人見，

大復集卷二十六

映玉輝金畫裏看。

適堅山寺

誰謂高僧不可逢，出城西望有雲松。騎驢不畏青泥坂，

拄杖遙尋碧玉峯。

雨中看花七首

溪上雨色晚來頻，枝頭花朵太禁春。滿林爛熳誰覺汝，

一樹分明獨惱人。

連朝風急雨滂沱，樹頭葉暗花不多。縱使明朝風雨息，

蒼苔狼藉奈愁何。

昨朝日照花盡開，今朝雨多花可哀。由來落花無根蒂，

隨風吹去又吹來。

正月已放山丹花二月桃杏似雲霞城中少年紫駟馬
日暮來尋碧玉家

郭外春風次第來杏花開後桃花開近城早花開已謝
狂風猛雨更相催
紅花紫蕊千萬枝日夜雨打更風吹牡丹芍藥莫太驟
暖日晴煙開不遲
牡丹雖遲是花王芍藥畱之殿春光好花元待後時發
穠李妖桃空自狂

賈西谷邀飲山寺朝信不至詩以促之

廣文邀客寺亭幽此是春山第二游立馬望君君不到
不知城市爲誰畱

大復集卷二十六

二

任洪器草亭四首

郭檐當午溪雲度花重寒枝閣曉庭芳草閉門春寂寂
東風吹雨半池青

薔薇深院無行迹風到閑閒掃綠苔明月滿庭香襲襲
野塘新水藕花開

繞屋南山秋色靜數枝寒菊一籬煙酒醒讀罷秋聲賦
風落松梢響石泉

門外水流雲自起雪峯半出草堂西孤舟欲作山陰夢
月冷梅寒共一溪

岳豫之小畫四首

溪上水生茅屋涼溪邊風急樹顛狂山中車馬何曾到

祇有雲松盡日蒼
碧江樓閣夕陽邊萬壑千峯生暮煙江上長松一千尺
月明常繫打魚船
百尺孤城對碧山層層樓觀倚雲間水明沙白風濤靜
更有何人到此關
樹下茅齋當畫清江邊寺閣倚新晴蒼苔石徑無人到
獨有幽人江上行

元夕懷都下之游五首

憶昨長安元夕來五侯絃管上樓臺已見炬如千樹列
更看鐙似百花開

龍岫層城接御溝香車寶勒夜深游花坊競買千金帶

大復集卷二十六

三

綺陌皆懸五色毬

夾路香塵夜不開萬人爭道看鐙來金波宛轉千門裏
銀漢逶迤一道回

紫禁煙花一萬層鼇山雲裏見峻嶒繁星散作宮中炬
明月來爲殿上鐙

白馬金珂上苑東六街歌舞散香風豪游已作三年夢
愁對春鐙此夜紅

題潘秀才吹笛畫扇

幽人橫吹滄江靜滿江月白青山映好作穿雲裂石聲
夜長恐有蛟龍聽

寄岳陽龐推官四首

君因謫宦畱南郡予亦罷官歸故鄉同是鳳凰池上客
江湖千里轉堪傷

洞庭湖邊花柳新岳陽樓上更逢春間來載酒題詩去
還似當時賈舍人

唐賈至
謫巴陵

三載江城佐郡郎十年天上舊鵷行曾持畫省郎官筆
況著瑤墀近侍裳

湖水春來不見沙九疑南望是天涯軒轅臺上清風樹
湘女祠邊日暮花

閨情 以下京集

秋風嫋嫋生羅衣美人夜泣紅燭微郎騎白馬臨邛去
樓上年年燕子歸

大復集卷二十六

四

晚至昌平寺中

度盡青溪十里霜寒蕪落日下蒼茫山城薄酒無錢買
晚飯僧家石耳香

雪中漫興

長安雪花亂如雲複道層城望不分行客遙傳五侯宅
畫樓絲管畫紛紛

寫情

莫將錦瑟怨年華柳絮飄零夢謝家小院回廊鎖春晝
何人來爲掃庭花

送鄉人還

楊柳花飛蕪草青故鄉南望幾長亭城邊客散重回首

愁見孤鴻落晚汀

聞歌

明月暫隨秦弄玉碧空遙度楚行雲莫言此曲終堪聽
孔雀東南各自分

諸將入朝歌十二首

北掃燕齊南楚吳風吹殺氣散輿圖蓬萊山下朝諸將
天子戎衣受虜俘

大將龍旗朝帝京至尊親遣貴臣迎侍中獨領嫖姚部
戰馬皆歸龍虎營

羣公陪宴柏梁臺殿上傳呼萬壽杯元戎節鉞來江上
使者樓船泛海回

大復集卷二十六

五

河濟江淮血不流中原萬馬一時收黃金未散成功士
白燾先臬敗將頭

河北諸軍盡有名雲中驍騎本輕生金裝白馬翩翩出
不見長安子弟兵

玉佩金貂列上勳椎牛殺馬犒三軍萬里旌旗天上度
滿城金鼓日邊聞

天下山河首洛中漢家州縣滿山東將軍不畫麒麟像
士卒休論汗馬功

龍虎金陵擁帝居吳關水府控淮徐樓船一鼓風波力
滄海鯨鯢作釜魚

闕下千官侍鳳樓苑中天子建龍旂豹房虎圈先班賞

武帳前邊賜姓侯

戰士歸來皆武冠紫纓驕馬跨金鞍可憐萬國城頭月
照見沙場白骨寒

少年生長在邊城介冑南征蟻虱生馬上朝來橫吹曲
梅花一半是吳聲

杲杲扶桑朝日升東瞻碣石海波澄正德七年誅叛賊
大明八葉觀中興

樊駙馬府中宴

主家行酒雙玉杯上客不醉歌頻催秦女簫中明月度
鳳凰樓上彩雲回

閣內杏花

大復集卷二十六

六

東掖杏花開不遲日邊春色獨先知未薦玉盤千歲實
空看一作蟠仙閣五雲枝

孫太史宅贈呂揮使二首

壯士承恩天上還黃雲白雪暗西山破虜未傳青海曲
封侯須到玉門關

白馬駢弓出薊門相逢意氣倒金尊功勳要識將軍呂
文字先看太史孫

贈薛君采二首

五花似玉麒麟骨八尺如龍驪裏身千金臺上求非易
萬馬羣中認未眞
爾夢仙人海上行蓬萊清淺不勝情金門再見東方朔

笑指蟠桃花更生

送韓汝慶還關中二首

六月西山雷雨低長安城中十日泥君騎鴻鵠冥冥去
此地愁看燕雀棲
華岳雲臺萬里情高秋落日眺秦城黃河一線通滄海
身在仙人掌上行

燕京十六夜曲四首

御河橋畔千尺臺燕京女兒踏歌來臺上歌鐘日夕起
橋頭酒壚深夜開
萬歲山頭鎖玉樓十王館中人不游中宵金鼓雲間動
翠輦龍衣過五侯

大復集卷二十六

七

九衢車馬似山河萬金買鏗不道多已畱華月照歌舞
更放香風吹綺羅
月高罷游關九關暗塵吹汚香霧鬢誰家少年亦太惡
拾著金鈿不肯還

苦熱行十首

六月十一日苦熱奪伏爭秋番太強燕京何限好樓閣
袒走狂呼無地涼
日午放朝車馬頻中天風火促颿輪侯宮戚館冰山冷
赤日黃埃渴殺人
宮裏傳冰賜從官含霜弄雪白雲寒銀牀晝鎖瑠璃井
玉殿陰沈瑪瑙盤

午門朝罷午時過千官萬馬汗成河莫道宮中愛長晝
長晝宮中樂事多

西山松柏千丈臺陰崖腳踏層冰開巖樓洞閣生霜雪
觸熱衝炎誰爲來

長安萬家懸甌裏風捲塵沙當晝起五侯堂上冰成山
朝見成山暮成水

城西山峻火雲峯丹梯無路躡芙蓉白石寺前堪避暑
昨朝雷拔殿壇松

赤地驕陽草不生河潭霹靂懶龍驚彎弓后羿非夸父
莫放青天十日行

晝夜蚊蠅飛滿天窗撲帳攪人眠乘炎趁熱雖吾畏
大復集卷二十六

露打霜飄不汝憐

胡馬炎天動萬羣昨傳遼水殺將軍王師六月殲獯豸
兵氣遙蒸瀚海雲

內閣荷花二首

誰送仙花此地栽綵雲飛掌對蓬萊雕闌玉檻圍花發
不放金盤十丈開

風吹菡萏竝頭開水照金魚隊隊回映日跳波珠易碎
接雲步障錦成堆

送鞏丞之金壇因訊養和

鞏丞若問金壇宰爲見風流御史才到日琴堂定無事
松廳竹檻對江開

雨望西山
碧山鳴雨過嵯峨
湖水風增萬丈波
千尺浮圖清暑殿
高窗白石細盤蘿

送王提舉

日出帆高煙水空
嶺雲遙在粵天東
此行不爲浮江興
他日須傳煮海功

東岳亭

卜築東岳白石缸
孤亭裊裊出煙江
細分楊柳開風檻
倒影扶桑坐日窗

椒軒

春開軒地引紅椒
錦樹西江望不遙
當戶疏簾看結實

大復集卷二十六

九

背岡茅屋憶行條

寄少谷山人二首

武夷九曲上仙庭
錦疊青天萬仞屏
下望神人釣鼈石
北風吹霧海冥冥
台岳中峯綵霧生
石梁遙挂赤霞城
仙潭尺素傳雲鯉
報爾今尋華頂行

送陳進士還江西

廬山高起讀書臺
萬卷少年今日開
九派江流何處入
海風吹浪楚帆來

張子近得道士飲
鹿血術欲試未得
吾家有一鹿欲取
血飲張子臨庖哀
呼不忍見死乃作詩

遺張子焉

聞煊玉脯飲丹血補腦還精身體輕刀几卽看哀一死
道人那忍說長生

送甥朝良讀書梅黃山下

聞汝讀書山之中閉門千峯兼萬峯但知高鳳曾飄麥
不論丁生解夢松

宮詞四首

杳杳高城南苑陰苑中日夕翠華臨城邊獵騎分行逐
射得黃熊索賜金

碧草萋萋生御溝垂楊嫋嫋夾朱樓窗臨北斗空中起
水接銀河天上流

大復集卷二十六

十

微霜淒淒金井欄城頭月出凍雲殘玉樓高對蓬萊雪
誰道宮中夜不寒

宮中夕寒花不開金屋沈沈玉殿苔纔見高臺燈火下
更聞前路管絃催

寶雞縣 以下秦集

雞鳴山下古陳倉板屋千家清渭芻曲岸迢遙凌秀來
流渠宛轉入垂楊

漢中歌二首

漢王昔日定三秦壯士東歸意氣新旌旗暗度陳倉口
父老重迎灞水濱

燒棧登壇各有勳謀臣猛將鬱如雲關中自識龍顏主

海內爭看縞素軍

終南篇

離宮別館舊京華
表裏關河屬漢家
二閣天圍青錦障
五臺雲湧石蓮花

四圖詩贈何燕泉四首

臥遊亭在古椿園
萬里輶車出塞垣
天馬一從隋漢後
星槎誰復到河源

右職方奉使

河南河北望行塵
露冕褰帷拜野人
嵩少風雲千里色
覃懷花柳萬家春

右藩省旬宣

大復集卷二十六

士

當朝太僕世稱賢
在駟常歌魯頌篇
天上驕驍惟一骨
苑中駉牝實三千

右大卿考牧

西域百年通貢篚
中丞萬里建旌旄
坐埽蠻山開瘴癘
永令填海息波濤

右都憲巡撫

元日

扶桑日射南山觀
楊柳春回北斗城
萬里冠裳遙望闕
九霄車駕喜還京

畫竹

誰開素練寫煙梢
欲采琅玕奏玉簫
猶憶鳳凰池閣上

坐聽風雨下層霄

米元章拜石圖

節比巖巖志比堅冠裳下拜也堪憐此意世人誰解識
至今空羨米家顛

何大復詩集卷二十六終

大復集卷二十六

三

至今空羨米家顛
節比巖巖志比堅冠裳下拜也堪憐此意世人誰解識

米元章拜石圖

何大復詩集

諸家評論

顧華玉云仲默咳吐珠璣人倫之俊

康德涵云漢魏以降迄於開寶世代既移音節斯異修辭之士能無惡厥趨斯已優矣復能引而上之不沈流俗若仲默者豈非鮮哉

王子衡云仲默侵風匹雅欲騷儷選遐追漢魏俛視六朝溫醇典雅丰容色澤靡不備舉規治古調無所不極崔子鍾云空同方雅簡默稍飾廉稜仲默恬淡溫孫不露才美李之雄厚何之逸健宜學者尊爲宗匠

孟望之云是時關中李獻吉濟南邊廷實以詩文雄視

大復集附錄

都邑何君往造語合乃力變之古自是操觚之士往往

趨風漢魏矣

徐子容云仲默昌穀咸懷雋才與獻吉相頡頏而二子

秀潤清藻微乏雄渾

楊用修云仲默枕藉杜詩不觀餘家其於六朝初唐未數數然也與予及薛君采言及六朝初唐始恍然自失然終不若其效杜諸作也

黃勉之云大復詩所謂使集者宣敬皇帝哀詔時作也

家集者劉瑾柄國謝病還鄉時作也京集者直內閣制勅時作也

喬景叔云國初時尚襲元習宣正以來駸駸如宋矣先

生與諸君子一變而爲漢魏盛唐起千載之衰屹然一代山斗

樊少南云國朝詩文至弘治間極矣先生首與北地李子一變之古詩擬曹劉賦賞屈宋天下翕然從風盛矣哉千載一時也

唐虞佐云仲默詩探冥抉奇增華漱潤軋晉魏而上之一唱三歎有餘音焉

任少海云仲默詩如黃鐘在縣金石發作伶坊供奉之官莫不按宮商謹節奏其橫放處如項羽提三尺劍出江東不必斬將搴旗而登壇嘯咤千人皆廢

徐子元云大復上追漢魏下薄初唐大匠揮斤羣工斂手

大復集附錄

二

蔡子木云明興百六十年詩文迄無定體自先生崛起汝南與獻吉發憤詞林超覽古始乃排斥羣疑歸之大雅何其雄也

穆敬甫云何詩清淑典麗鑑然瑩然真得風人溫柔敦厚之旨

李伯華云大復詩宗李杜文仿班馬字兼顏柳或與邊華泉李空同稱爲海內三才或與崔後渠稱爲中州二俊或與關中諸公并吳下徐迪功稱爲弘德七子或與李邊及徐稱爲四傑

王元美云仲默如朝霞點水芙蓉試風又如西施毛嬙

無論才藝卻扇一顧粉黛無色又云仲默才秀於李氏而不能如其大又云義取師心功期舍筏以故有弱調而無累句詩體翩翩俱在鴈行又云李源風何源雅風故長變以明志耳觀其深沈莽宕激昂鼓壯暗鳴懽悽忽正而奇正若嶽崎奇若海颺則李子哉是故少孫其緣情卽象觸物比類靡所不遂壁坐璣馳文霞淪漪緒飈搖曳春花徐發驟而如淺復而彌深疑無踰何子而上者夫百鳥集於詞林而二子雄飛或羊角而橫舉或順颺而肆翔其九萬里同也又云鳴鸞佩瓊萬象咳唾吾推仲默然不能諱其孱

汪伯玉云何李兩家遞爲桓文鼓旗鼓號天下獻吉非

大復集 附錄

三

規矩弗由先生則務底於化於時主典則者張獻吉主神解者附先生要諸至言各有所當顧其相直若繩墨而相濟若和羹卽言逆耳而心莫逆耳視者勿察也

黃清甫云大復詩因意著詞就詞成篇故情性冲逸興象間雅曩與李公共驟詞場竝崇雅道李則氣勢爲勝公則風度爲優

彭子殷云仲默朗音亮節惜年弗遐美而未至今也拔桐豪之獻吉壓於其上天下其誰信之

屠緯真云空同雖極力摹古天才故高不沒雄渾之氣大復雖不盡摹古法度故在都無纖豔之習此其所以竝傳也

顧玄言云李何二學憲氣象弘闊詞采精確力挽頽風
復增古雅遶材兩漢嗣響三唐如航琛越海輦賚踰嶠
琳闕珠房輝燦朗映各成一家繼而海內翕然景從爲
明音中興之盛實二公倡之也二公古體竝出楚騷詞
漢樂府而憲章少陵者近體猶酷擬杜李古勝何如屯
雲出峽驚風涌湍波瀾變幻層采疊出何近勝李如石
門寒瀑劒閣朝霞空中聲色高遠難攀薛君采云俊逸
終憐何大復麤豪不解李空同則何似勝李邪

胡元瑞云古今才人蚤慧者多寡大成大成者不必蚤
慧兼斯二者獨魏陳思次則唐王子安明則何仲默二
子風華神秀絕自相當然子安尚沿六代綺靡仲默一

大復集 附錄

四

埽千秋茅塞其識與功不可同日語也又云今人因獻
吉祖襲杜意輒假仲默舍筏之說動以雞口牛後爲辭
此未覩何集者就仲默言古詩全法漢魏歌行短篇法
杜長篇法王楊四子五七言律法杜之宏麗而兼王岑
高李之神秀卒自成一家冠冕當代所謂門戶堂奧不
過如此古人影子之說以獻吉多用杜成句故有此規
自是藥石非欲其盡棄根源別安面目也又云李以骨
力勝何以神韻超學何不至不失雕龍學李不成終類
畫虎

江進之云何大復詩何嘗規規摹古然已偏古人

陳臥子云仲默姿制羸秀神氣和朗發微音吐芳訊令

人有形穢之恥昔人稱王恭濯濯似春月柳又評褚書
爲瑤臺嬋娟庶幾近之詩云有美一人清揚婉兮迨將
仿佛焉矣

曹潔躬云唐之士人稱輞川爲詩天子浣花爲詩宰相
王諸體精緻毫髮無憾若是乎盡善盡美也杜硬語盤
空頽唐潦倒若似乎未盡善也而王聲價反讓杜數等
問之解人會於心不能言其故也弘正間李何並起始
而相應旣而相規李扛鼎拔山千夫盡廢何霜葭玉樹
照曜一時右何者美其醇而寡疵少李者指其生吞活
剝不知李正藉短以擊長而何卽長反見短明鏡無塵
不若月中有物雖稱勅敵然終遜李一籌

大復集附錄

五

姚仙期云誦大復詩如聽雲中奏曲但覺洋洋盈耳
孫豹人云大復五言句琢字鍊長歌滔滔洪遠又復清
爽絕倫五律全法右丞清和雅正七律自少陵以外無
所不擬絕句獨不摹盛唐秀峻莫比要之驟而如淺復
而彌深兩言其定詳矣

沈山子云大復楚謠漢風魏製晉造靡所不有
朱錫鬯云弘正間作者倡復古學同調六七人李何實
爲之長李以秀朗推何何以偉麗目李其後互相牴牾
何誚李搖鞞振鐸李誚何搏沙弄泥譬之鍼砭不中臉
穴徒嘵嘵耳兩君皆負才傲物何稍和易以是人多附
之薛君采詩云俊逸終憐何大復麤豪不解李空同自

此詩出而抑李申何者日漸多矣

大復集

附錄

六



此詩出而抑李申何者日漸多矣



